

MISSÆ PROPRIÆ DIOECESIS LIMBURGENSIS

I

FESTA PROPRIA UNIVERSÆ DIOECESIS

Die 9 Decembris

S. EUCHARII EP. ET CONF.

Duplex

Introitus Ps. 131, 9-10

SACERDOTES tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. *Ps. ibid., 1* Meménto, Dómine, David: et omnis mansuetúdinis ejus. *V.* Glória Patri.

Oratio

Exáudi, quæsumus, Dómine, preces nostras, quas in beáti Euchárii Confessóris tui atque Pontíficis solemnitáte deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum nostrum.

Et fit *Commemoratio Octavæ Conceptionis immaculatæ B. M. V.:*

Oratio

Deus, qui per immaculátam Vírginis Conceptionem dignum Fílio tuo habitáculum præparásti: quæsumus; ut, qui ex morte ejúsdem Fílii tui prævísa eam ab omni labe præservásti, nos quoque mundos ejus intercessióne ad te pervenire concédas. (Per eúndem Dóminum nostrum.)

Deinde *Commemoratio Feriæ.*

Léctio Epístolæ

beáti Pauli Apóstoli ad Hebræos

Hebr. 7, 23-27

Fratres: Plures facti sunt sacerdótes, idcírco quod morte prohiberéntur permanére: Jesus autem, eo quod máneat in ætérnum, sempitérnum habet sacerdótium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset póntifex, sanctus, ínnocens, impollútus, segregátus a peccatóribus, et excélsior cælis factus: qui non habet necessitátem quotidie, quemádmódum sacerdótes, prius pro suis delíctis hóstias offérre, deínde pro pópuli: hoc enim fecit semel, seípsum offeréndo, Jesus Christus, Dóminus noster.

Graduale Ps. 131, 16-17

Sacerdótes ejus índuam salutári: et sancti ejus exsultatióne exsultábunt. *V.* Illuc producám cornu David: parávi lucérnam Christo meo.

Allelúja, allelúja. *V. Ps. 109, 4* Jurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúja.

+ Sequéntia sancti Evangélii secúndum Lucam *10, 1-9*

In illo témpore: Designávit Dóminus et álios septuagínta duos: et misit illos binos ante fáciem suam in omnem

civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce, ego mitto vos sicut agnos inter lupos. Nolite portare sacculum, neque peram, neque calceamenta; et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Credo, *ratione Octavae.*

Offertorium Ps. 88, 25

Veritas mea et misericordia mea cum ipso: et in nomine meo exaltabitur cornu ejus.

Secreta

Sancti Eucharii Confessoris tui atque Pontificis, quaesumus, Domine, annua solemnitas pietati tuae nos reddat acceptos: ut, per haec pia placationis officia, et illum beata retributio comitetur, et nobis gratiae tuae dona conciliet. Per Dominum nostrum.

Pro Octava

Secreta

Salutarem hostiam, quam in solemnitate immaculatae Conceptionis beatae Virginis Mariae tibi, Domine, offerimus, suscipe et praesta: ut, sicut illam tua gratia praeveniente ab omni labe im-

mune profitemur; ita ejus intercessione a culpis omnibus liberemur. (Per Dominum nostrum.)

Deinde Commemoratio Feriae.

Præfatio de B. Maria Virg. Et te in Conceptione immaculata, ratione Octavae.

Communio Matth. 24, 46-47

Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum.

Postcommunio

Deus, fidelium remunerator animarum: praesta; ut beati Eucharii Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum nostrum.

Pro Octava

Postcommunio

Sacramenta quae sumpsimus, Domine, Deus noster: illius in nobis culpae vulnera reparent; a qua immaculatam beatae Mariae Conceptionem singulariter praeservasti. (Per Dominum nostrum.)

Deinde Commemoratio Feriae.

Die 29 Januarii

S. VALERII EP. ET CONF.

Duplex

Missa Statuit, de Communi Confessoris Pontificis 1 loco, praeter Orationes sequentes:

Oratio

Beati Valerii Confessoris tui atque Pontificis, quaesumus, Domine, fragilitatem nostram tuere praesidiis: ut, cujus venerandam festivitatem annua devotione recolimus; ejus meritis ab omnibus liberemur adversis. Per Dñm.

Et fit Commemoratio S. Francisci Salesii Ep., Conf. et Eccl. Doct.:

Oratio

Deus, qui ad animárum salútem beá-
tum Francíscum Confessórem tuum at-
que Pontíficem ómnibus ómnia factum
esse voluísti: concéde propítius; ut, ca-
ritátis tuæ dulcédine perfúsi, ejus diri-
géntibus mónitis ac suffragántibus mé-
ritis, ætéRNA gáudia consequámur. Per
Dóminum nostrum.

Et dicitur Credo, ratione S. Doctoris.

Secreta

Sacrificium laudis, quod in com-
memoratióne beáti Valérii Confessóris
tui atque Pontíficis tibi offérimus, pro-
pítius súscipe: et grátiam tuam, quam
nostris opéribus non merémur, ejus no-
bis intercessióne concéde. Per Dómi-
num nostrum.

Pro S. Francisco Salesio

Secreta

Sancti Francísci Pontíficis tui atque
Doctóris nobis, Dómine, pia non desit
orátio: quæ et múnera nostra concíliet;
et tuam nobis indulgéntiam semper
obtíneat. Per Dóminum nostrum.

Postcommunio

Quæsumus, Dómine, salutáribus re-
pléti mystériis: ut beáti Valérii
Confessóris tui atque Pontíficis oratióni-
bus adjuvémur; cujus solémnia cele-
brámus. Per Dóminum nostrum.

Pro S. Francisco Salesio

Postcommunio

Ut nobis, Dómine, tua sacrificia dent
salútem: beátus Francíscus Póntifex tu-
us et Doctor egrégius, quæsumus, pre-
cátor accédát. Per Dóminum nostrum.

¶ Missæ, etiam privatæ, dici possunt, jux-
ta Rubricas, etiam de S. Francisco Sale-
sio Ep., Conf. et Eccl. Doct., ut in Missali
hac die, cum Commemoratione S. Valerii.

Die 4 Februarii

S. RABANI MAURI EP. ET CONF.

Duplex

Missa Sacerdótes tui, de Communi Con-
fessoris Pontificis 2 loco.

Oratio

Exáudi, quæsumus, Dómine, preces
nostras, quas in beáti Rabáni Con-
fessóris tui atque Pontíficis solemnitáte
deférimus: et, qui tibi digne méruit fa-
mulári, ejus intercedéntibus méritis, ab
ómnibus nos absólve peccátis. Per Dó-
minum nostrum.

Et fit Commemoratio S. Andreae Corsini
Ep. et Conf.:

Oratio

Deus, qui in Ecclésia tua nova semper
instáuras exémpla virtútum: da pópulo
tuo beáti Andréæ Confessóris tui atque
Pontíficis ita sequi vestígia; ut assequá-
tur et præmia. Per Dóminum nostrum.

Secreta

Sancti Rabáni Confessóris tui atque
Pontíficis, quæsumus, Dómine, án-
nua solémnitas pietáti tuæ nos reddat
accéptos: ut, per hæc piæ placatiónis
officia, et illum beáta retribútio comi-
tétur, et nobis grátiae tuæ dona concíliet.
Per Dóminum nostrum.

Pro S. Andrea

Secreta

Sancti tui, quæsumus, Dómine, nos ubí-
que lætificent: ut, dum eórum mérita
recólimus, patrocínia sentiámus. Per
Dóminum nostrum.

Postcommunio C

Deus, fidélium remunerátor animárum: præsta; ut beáti Rabáni Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum.

Pro S. Andrea
Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Andréa Confessóre tuo atque Pontífice, beneficia potióra sumámus. Per Dóminum nostrum.

¶ **Extra Feriam IV Cinerum Missæ, etiam privatae, dici possunt, juxta Rubricas, etiam de S. Andrea Corsini Ep. et Conf., ut in Missali hac die, cum Commemoratione S. Rabani Mauri.**

Die 14 Februarii

S. VALENTINI EP. ET MART.

Duplex

Missa Státuit, de Communi unius Martyris 1 loco.

Oratio C

Infirmítatem nostram respice, omnípotens Deus: et, quia pondus própriæ actiόνis gravat, beáti Valentíni Mártyris tui atque Pontíficis intercessio gloriósa nos prótegat. Per Dóminum nostrum.

Et, in Quadragesima, fit Commemoratio Feriæ in Missis non conventualibus.

Deinde Commemoratio S. Valentini Presb. et Mart.:

Oratio

Præsta, quæsumus, omnípotens Deus: ut, qui beáti Valentíni Mártyris tui na-

talítia cólimus, a cunctis malis immínentibus, ejus intercessióne, liberémur. Per Dóminum nostrum.

Secreta C

Hóstias tibi, Dómine, beáti Valentíni Mártyris tui atque Pontíficis dicátas méritis, benignus assúme: et ad perpétuum nobis tríbue proveníre subsidiúm. Per Dóminum nostrum.

Et, in Quadragesima, fit Commemoratio Feriæ, ut supra.

Pro S. Valentino Presb. et Mart.

Secreta

Súscipe, quæsumus, Dómine, múnera dignánter obláta: et, beáti Valentíni Mártyris tui suffragántibus méritis, ad nostræ salútis auxiliúm proveníre concéde. Per Dóminum nostrum.

Postcommunio C

Refécti participatióne múnere sacri, quæsumus, Dómine, Deus noster: ut, cujus exséquimur cultum, intercedénte beáto Valentíno Mártyre tuo atque Pontífice, sentiámus efféctum. Per Dóminum nostrum.

Et, in Quadragesima, fit Commemoratio Feriæ, ut supra, et de ea legitur Evangelium in fine, juxta Rubricas.

Pro S. Valentino Presb. et Mart.

Postcommunio

Sit nobis, Dómine, reparátio mentis et córporis cæléste mystérium: ut, cujus exséquimur actiόνem, intercedénte beáto Valentíno Mártyre tuo, sentiámus efféctum. Per Dóminum nostrum.

¶ **In Quadragesima Missæ privatae dici possunt, juxta Rubricas, etiam de FERIA cum Commemoratione S. Valentini Ep. et Mart. ac S. Valentini Presb. et Mart.**

Die 15 Martii

S. CLEMENTIS MARIE HOFBAUER
CONFESSORIS

Duplex majus

Missa Justus, de Communi Confessoris
non Pontificis 2 loco, præter Orationes
sequentes:

Oratio

Deus, qui beátum Cleméntem Ma-
riam miro fidei róbre et invictæ
constántiæ virtúte decorásti: ejus mérit-
tis et exémpis fac nos, quæsumus, ita
fortes in fide et caritate fervéntes; ut
præmia consequámur æterna. Per Dñm.

Et in Missis non conventualibus fit Com-
memoratio Feriæ et legitur ejus Evange-
lium in fine.

Secreta

Ille nos, quæsumus, Dómine, devoti-
nis ignis accéndat; quo beátus Cle-
mens Maria, dum salutárem offérret
hóstiam, júgiter flagrávit. Per Dóminum.

Postcommunio

Cælésti pane reféctis concéde nobis,
omnípotens Deus: ut beáti Clemén-
tis exémplo, in fortitúdine cibi illius us-
que ad montem, qui Christus est, felí-
citer perveniámus: Qui tecum vivit.

¶ Missæ privatæ dici possunt, juxta Ru-
bricas, etiam de Feria cum Commemo-
ratione S. Clementis Mariæ.

Die 21 Aprilis

S. CONRADI A PARZHAM CONF.

Duplex

Missa Os justus, de Communi Confessoris
non Pontificis 1 loco, præter Orationes
sequentes:

Oratio

Deus, qui misericórdiæ tuæ jánuam
fidélibus patére voluísti: te súp-
plices exorámus; ut, intercedénte beáto

Conrado Confessore tuo, temporália sub-
sidia nobis tríbuas et æterna. Per Dñm.

Et fit Com. S. Anselmi Ep. et Doct.:

Oratio

Deus, qui pópulo tuo æternæ salutis
beátum Ansélmum mínistrum tribuísti:
præsta, quæsumus; ut, quem Doctórem
vitæ habúimus in terris, intercessórem
habére mereámur in cælis. Per Dñm.

Credo, ratione Com. S. Doctoris.

Secreta

Oblatiónes nostras tibi, Dómine,
quæsumus, beáti Conradi inter-
cessio veneránda comméndet: quem
coram tuis altáribus precántem super-
nórum charísmatum dulcédine recreásti.
Per Dóminum nostrum.

Pro S. Anselmo

Secreta

Sancti Ansélmi Pontificis tui atque
Doctóris nobis, Dómine, pia non desit
oratio: quæ et múnera nostra concíliet;
et tuam nobis indulgéntiam semper ob-
tíneat. Per Dóminum nostrum.

Postcommunio

Súmpsimus, Dómine, tua sancta, beáti
Conradi mérita recoléntes: præsta,
quæsumus; ut ejus semper et præcláro
proficiámus exémplo et fidéli muniámur
auxílio. Per Dóminum nostrum.

Pro S. Anselmo

Postcommunio

Ut nobis, Dómine, tua sacrificia dent
salútem: beátus Ansélmus Póntifex tuus
et Doctor egrégus, quæsumus, precátor
accédât. Per Dóminum nostrum.

¶ Missæ, etiam privatæ, dici possunt,
juxta Rubricas, etiam de S. Anselmo,
Missa In médio, de Communi Doctorum
cum Commemoratione S. Conradi, ad-
hibitis Orationibus, ut supra.

Die 23 Aprilis
S. GEORGII MARTYRIS

Patroni principalis civitatis totiusque
Diocesis ac Tituli Ecclesiae Cathedralis
Limburgensis

Duplex I classis cum Octava communi

Introitus

GAUDEAMUS omnes in Dómino,
diem festum celebrántes sub ho-
nóre beáti Geórgii Mártyris, de
cujus passióne gaudent Angeli et col-
láudant Fílium Dei, allelúja, allelúja.
Ps. 32, 1 Exsultáte, justí, in Dómino,
rectos decet collaudátio.

V. Glória Patri.

Oratio

Deus, qui nos beáti Geórgii Mártyris
tui méritis et intercessióne laetíf-
ficas: concéde propítius; ut, qui tua per
eum benefícia póscimus, dono tuæ grá-
tiæ consequámur. Per Dóminum.

Lectio libri Sapiéntiæ

Sap. 5, 1-5

Stabunt justí in magna constántia ad-
vérsus eos, qui se angustiavérunt et
qui abstulérunt labóres eórum. Vidén-
tes turbabúntur tímóre horríbili, et mi-
rabúntur in subitatióne insperátæ salú-
tis, dicéntes intra se, pæniténtiam agén-
tes, et præ angústia spíritus geméntes:
Hi sunt, quos habúimus aliquándo in
derísum et in similitúdinem impropérii.
Nos insensáti vitam illórum æstimabá-
mus insániam, et finem illórum sine
honóre: ecce, quómodo computáti sunt
inter filios Dei, et inter Sanctos sors il-
lórum est.

Allelúja, allelúja. **V. Ps. 88, 6** Confite-
búntur cæli mirabília tua, Dómine: ét-
enim veritátem tuam in ecclésia sanctó-
rum. Allelúja. **V. Ps. 20, 4** Posuísti,

Dómine, super caput ejus corónam de
lápide pretiósó. Allelúja.



Sequéntia sancti Evangélii
secúndum Joánnem

Joann. 15, 1-7

In illo témpore: Dixit Jesus discí-
pulis: Ego sum vitis vera: et Pater
meus agrícóla est. Omnem pálmitem in
me non feréntem fructum, tollet eum:
et omnem, qui fert fructum, purgábit
eum, ut fructum plus áfferat. Jam vos
mundi estis propter sermónem, quem
locútus sum vobis. Manéte in me: et
ego in vobis. Sicut palmes non potest
ferre fructum a semetípso, nisi máns-
erit in vite: sic nec vos, nisi in me máns-
eritis. Ego sum vitis, vos pálmites: qui
manet in me, et ego in eo, hic fert fruc-
tum multum: quia sine me nihil potés-
tis fácere. Si quis in me non máns-
erit, mittétur foras sicut palmes, et aréscet,
et cólligent eum, et in ignem mittent,
et ardet. Si manséritis in me, et verba
mea in vobis máns-erint: quodcúmque
voluéritis, petétis, et fiet vobis.

Credo, per totam Octavam.

Offertorium Ps. 88, 6

Confitebúntur cæli mirabília tua, Dó-
mine: et veritátem tuam in ecclésia
sanctórum, allelúja, allelúja.

Secreta

Múnera, Dómine, obláta sanctífica,
et, intercedénte beáto Geórgio
Mártyre tuo, nos per hæc a peccatórum
nostrórum máculis emúnda. Per Dómi-
num nostrum.

Communio Ps. 63, 11

Lætábitur justus in Dómino, et sperábit
in eo: et laudabúntur omnes recti corde,
allelúja, allelúja.

Postcommunio

Súplices te rogámus, omnípotens Deus: ut, quos tuis réficis sacraméntis, intercedénte beáto Geórgio Mártire tuo, tibi étiam plácitis móribus dignánter tríbuas deservíre. Per Dóminum.

Infra Octavam de ea fit Commemoratio juxta Rubricas, et dicitur Credo.

¶ Pro votiva Tempore Paschali dicitur Missa ut supra, excepto tamen Introitu, qui dicitur de Missa Protexisti, de Communi Martyrum Tempore Paschali 1 loco; pro votiva vero extra Tempus Paschale sumitur Missa In virtúte, de Communi unius Martyris 3 loco, cum Orationibus ut supra.

Die 27 Aprilis

**S. PETRI CANISII
CONF. ET ECCL. DOCT.**

Duplex II classis

Introitus Eccli. 15, 5

IN médio Ecclésiæ apéruit os ejus: et implévit eum Dóminus spírítu sapiéntiæ et intelléctus: stolam glóriæ induit eum, allelúja, allelúja. **Ps. 91, 2** Bonum est confitéri Dómino: et psállere nómini tuo, Altíssime. **V. Glória Patri.**

Oratio

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut ejus exémplic et mónitis errántes ad salútem respíscant, et fidéles in veritátis confessióne perseverént. Per Dóminum nostrum.

Léctio Epístolæ

beáti Pauli Apóstoli ad Timótheum

2 Tim. 4, 1-8

Caríssime: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus

et regnum ejus: prædica verbum, insta oportúne, importúne: árgue, óbseca, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Allelúja, allelúja. **V. Ps. 118, 46** Loquébar de testimóniis tuis in conspéctu regum, et non confundébar. Allelúja. **V. 1 Cor. 9, 22** Omnia ómnibus factus sum, ut omnes fácerem salvos. Allelúja.

In Missis votivis per annum dicitur

Graduale Ps. 118, 129-130

Mirábilia testimónia tua, Dómine, ídeo scrutáta est ea ánima mea. **V. Declarátio sermónum tuórum illúminat et intelléctum dat párvulis.**

Allelúja, allelúja. **V. Ps. 108, 30** Confitébor Dómino nimis in ore meo: et in médio multórum laudábo eum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 118, 104, 105 et 158

A mandátis tuis intelléxi, proptérea odívi omnem viam iniquitátis. **V. Lucérna pédibus meis verbum tuum, et lumen sémitis meis. V. Vidi prævaricántes et tabescébam, quia elóquia tua non custodiérunt.**

✠ Sequéntia sancti Evangélii
secúndum Matthæum

Matth. 5, 13-19

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvete legem aut prophétas: non veni sólvete, sed adimplére. Amen, quippe dico vobis, donec tránseat cælum et terra, jota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cælórum: qui autem fécerit et docúerit, hic magnus vocábitur in regno cælórum.

Credo.

Offertorium Ps. 33, 12

Veníte, filii, audíte me: timórem Dómini docébo vos, allelúja.

Secreta

Sanctífica, miséricors Deus, hæc múnera tibi obláta, et Ecclésiæ tuæ, beáto Petro intercedénte, unitátis et pacis propítius dona concéde. Per Dóminum.

Communio Is. 12, 3

Hauriétis aquas in gáudio de fóntibus Salvatóris, allelúja.

Postcommunio

Sacrificium, Dómine, quod in honórem beáti Petri Confessoris tui atque Doctóris obtúlimus: fidem nostram,

spem et caritátem áugeat, et Ecclésiám tuam nova semper prole lætíficet. Per Dóminum nostrum.

Die 30 Aprilis

IN OCTAVA S. GEORGII MARTYRIS

Duplex majus

Missa ut in Festo.

Et fit Commemoratio S. Catharinæ Senensis Virg., ut in Missali hac die.

¶ Missæ, etiam privatae, dici possunt, juxta Rubricas, etiam de S. Catharina Senensi Virg., ut in Missali hac die, cum Commemoratione diei Octavæ S. Georgii; et dicitur Credo, ratione ejusdem Octavæ.

Die 15 Maji

S. RUPERTI CONFESSORIS

Duplex

Missa Os justi, de Communi Conf. non Pont. 1 loco.

Oratio

Deus, qui nos beáti Ruperti Confessoris tui ánnua solemnitate lætíficas: concéde propítius; ut, cujus natalítia cólimus, étiam actiónes imitémur. Per Dóminum nostrum.

Et fit Commemoratio S. Joannis Baptistæ de la Salle Conf.:

Oratio

Deus, qui, ad christiánam páuperum eruditiónem et ad juvéntam in via veritátis firmándam, sanctum Joánnem Baptistam Confessórem excitásti, et novam per eum in Ecclésiá familiám collegísti: concéde propítius; ut ejus intercessióne et exémplo, stúdio glóriæ tuæ in animárum salúte fervéntes, ejus in cælis coronæ partícipes fieri valeámus. Per Dóminum nostrum.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dñm.

Pro S. Joanne Baptista

Secreta

Præsta nobis, quæsumus, omnípotens Deus: ut nostræ humilitátis oblátio et pro tuórum tibi grata sit honóre Sanctórum, et nos córpore páriter et mente puríficet. Per Dóminum nostrum.

Postcommunio

Refécti cibo potúque cælésti, Deus noster, te súpplīces exorámus: ut, in cujus hæc commemoratióne percépimus, ejus muniámur et précibus. Per Dñm.

Pro S. Joanne Baptista

Postcommunio

Quæsumus, omnípotens Deus: ut, qui cæléstia aliménta percépimus, intercedente beáto Joánnē Confessóre tuo, per hæc contra ómnia advérsa muniámur. Per Dóminum nostrum.

‡ Missæ, etiam privatæ, dici possunt, juxta Rubricas, etiam de S. Joanne Bapt. de la Salle Conf., ut in Missali hac die, cum Commemoratione S. Ruperti (cum Oratione Deus, qui nos, ut supra, Secreta et Postcommunionem ex Missa Justus ut palma, de Comuni 2 loco).

Die 31 Maji

BEATÆ MARLÆ VIRGINIS
OMN. GRATIARUM MEDIATRICIS

Duplex majus

Introitus Hebr. 4, 16

ADEAMUS cum fidúcia ad thronum grátia, ut misericórdiam consequámur, et grátiam inveniámus in auxílio opportúno. (T. P. Allelúja,

allelúja.) Ps. 120, 1 Levávi óculos meos in montes: unde véniet auxílium mihi. V. Glória Patri.

Oratio

Dómine Jesu Christe, noster apud Patrem mediátor, qui beatíssimam Vírginem matrem tuam, matrem quoque nostram et apud te mediátricem constituere dignátus es: concéde propítius; ut quisquis ad te benefícia petitúrus accésserit, cuncta se per eam impetrásse lætétur: Qui vivis et regnas cum eódem Deo Patre.

Et fit Commemoratio S. Angelæ Mericæ Virg.:

Oratio

Deus, qui novum per beátam Angelam sacrárum Vírginum collégium in Ecclé-sia tua floréscere voluísti: da nobis, ejus intercessióne, angélicis móribus vívere; ut, terrénis ómnibus abdicátis, gáudiis pérfrui mereámur ætérnis. (Per Dóminum nostrum.)

Deinde Commemoratio S. Petronillæ Virg.:

Oratio

Exáudi nos, Deus, salutáris noster: ut, sicut de beátæ Petroníllæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Isaíæ Prophétæ

Is. 55, 1-3 et 5

Omnēs sitiéntes, veníte ad aquas: et qui non habétis argéntum, prope-ráte, émite et comédite: veníte, émite absque argénto, et absque ulla commutatióne vinum et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitú-dine ánima vestra.

Inclináte aurem vestram, et veníte ad me: audíte, et vivet ánima vestra. Ecce gentem, quam nesciébas, vocábis: et gentes, quæ te non cognovérunt, ad te current propter Dóminum, Deum tuum, et Sanctum Israel, quia glorificávit te.

Graduale Eccli. 24, 25-26

In me grátia omnis viæ et veritátis, in me omnis spes vitæ et virtútis. **V.** Transíte ad me omnes qui concupíscitis me, et a generatióibus meis implémini.

Allelúja, allelúja. **V.** Salve Mater misericórdiæ, Mater spei et grátiae, o María. Allelúja.

Post Septuagesimam, omissis Allelúja et Versu sequenti, dicitur

Tractus Ap. 22, 16-17

Ego sum radix et genus David, stella spléndida et matutína. **V.** Et spíritus et sponsa dicunt: Veni. Et qui audit, dicat: Veni. **V.** Et qui sitit, véniat; et qui vult, accípiat aquam vitæ gratis.

Tempore Paschali omittitur Graduale, et ejus loco dicitur:

Allelúja, allelúja. **V.** Is. 60, 4 Leva in circúitu óculos tuos, et vide: omnes isti congregáti sunt, venérunt tibi. Allelúja. **V.** Fílii tui de longe vénient, et filiae tuæ de látere surgent. Allelúja.

✠ Sequéntia sancti Evangélii
secúndum Joánnem

Joann. 19, 25-27

P

In illo témpore: Stabant juxta crucem Jesu mater ejus, et soror matris ejus María Cléophæ, et María Magdaléne. Cum vidíset ergo Jesus matrem et discípulum stantem, quem diligébat, dicit matri suæ: Múlier, ecce filius tuus. Deínde dicit discípulo: Ecce mater tua.

Et ex illa hora accépit eam discípulus in sua. Credo.

Offertorium Jer. 18, 20

Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis. (T. P. Allelúja.)

Secreta

Matris tuæ ac Mediatricis nostræ précibus, Dómine, quæsumus: hæc hostiárum oblátio nosmetípsos, tua grátia largiénte, tibi perfíciat munus ætérnum: Qui vivis.

Pro S. Angela

Secreta

Hóstia, Dómine, quam tibi beátæ Angeliæ memóriam recoléntes offérimus, et nostræ pravitátis véniam implóret, et grátiae tuæ nobis dona concíliet. (Per Dóminum nostrum.)

Pro S. Petronilla

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliú. Per Dóminum nostrum.

Prælatio de B. Maria **V.** Et te in festivitáte.

Communio

Valde mirábilis es, o María, et fácies tua plena est gratiárum. (T. P. Allelúja.)

Postcommunio

Subvéniat nobis, Dómine, beátæ Mariæ matris tuæ ac nostræ Mediatricis orátio: ut per hæc sacrosáncta commércia, tua grátia largiénte, ad redemptiúnis ætérnæ proficiámus augméntum: Qui vivis et regnas.

Pro S. Angela
Postcommunio

Cælesti alimónia refécti, súpplīces te, Dómine, deprecámur: ut beátæ Angelæ précibus et exémplo, ab omni labe mundáti, et córpore tibi placeámus, et mente. (Per Dóminum.)

Pro S. Petronilla
Postcommunio

Satiásti, Dómine, famíliam tuam muneribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

¶ Missæ privatæ dici possunt, juxta Rubricas, etiam de S. Angela, Missa Dilexísti, de Communi Virginum 3 loco, adhibitis Orationibus, ut supra, cum Commemoratione B. Mariæ Virginis et S. Petronillæ, ut supra; ac dicitur Credo et Præfatio ejusdem B. Mariæ V. ejusque Evangelium legitur in fine.

Die 5 Junii

S. BONIFATII EP. ET MART.

Patroni minus principalis Diœcesis

Duplex II classis

Missæ Exsultábo, ut in Missali hac die.

Die 18 Junii

S. ELISABETH SCHCENAUUGIENSIS
VIRGINIS

Duplex

Missæ Dilexísti, de Communi Virginum
3 loco.

Oratio

Exáudi nos, Deus, salutáris noster: ut, sicut de beátæ Elísabeth Virgīnis tuæ festivitáte gaudémus; ita piæ devotiōnis erudiámur afféctu. Per Dóminum nostrum.

Et fit Commemoratio S. Ephræm Syri
Diaconi, Conf. et Eccl. Doct.:

Oratio

Deus, qui Ecclésiā tuā beāti Ephræm Confessóris tui et Doctóris mira eruditíone et præcláris vitæ méritis illustráre voluísti: te súpplīces exorámus; ut, ipso intercedénte, eam advérsus erróris et pravitatís insídias perénni tua virtúte deféndas. (Per Dóminum nostrum.)

Deinde Commemoratio Ss. Marci et
Marcelliani Martyrum:

Oratio

Præsta, quæsumus, omnípotens Deus: ut, qui sanctórum Mártyrum tuórum Marci et Marcelliani natalítia cólimus; a cunctis malis imminéntibus eórum intercessiōnibus liberémur. Per Dóminum nostrum.

Credo, ratione Commemorationis S.
Doctoris.

Secreta

C

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatiōne percepísse cognóscit auxiliū. Per Dóminum nostrum.

Pro S. Ephræm

Secreta

Sancti Ephræm Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. (Per Dóminum nostrum.)

Pro Ss. Martyribus

Secreta

Múnera tibi, Dómine, dicáta sanctífica: et, intercedéntibus sanctis Martýribus tuis Marco et Marcelliano, per éadem nos placátus inténde. Per Dóminum.

Postcommunio C

Satiásti, Dómine, famíliam tuam munéribus sacris: ejus, quæsumus, semper interventióne nos rélove, cujus solémnia celebrámus. Per Dóminum.

Pro S. Ephræm

Postcommunio

Ut nobis, Dómine, tua sacrificia dent salutem: beátus Ephræm Conféssor tuus et Doctor egrégius, quæsumus, precátor accédat. (Per Dóminum nostrum.)

Pro Ss. Martyribus

Postcommunio

Salutáris tui, Dómine, múnere satiáti, súplices exorámus: ut, cujus lætámur gustu, intercedéntibus sanctis Martíribus tuis Marco et Marcelliáno, renovémur efféctu. Per Dóminum nostrum.

☩ Missæ, etiam privatæ, dici possunt, juxta Rubricas, etiam de S. Ephræm Syro Diacono, Conf. et Eccl. Doct., ut in Missali hac die, cum Commemoratione S. Elisabeth Virg. ac Ss. Marci et Marcelliani Martyrum.

Die 27 Junii

S. CRESCENTIS EP. ET MART.

Duplex majus

Missa Sacerdótes Dei, de Communium Martyris 2 loco, præter Orationem sequentem:

Oratio

P

Deus, qui nos per beátum Crescéntem Mártyrem atque Pontíficem ad agnitióne nómínis tui vocáre dignátus es: præsta, quæsumus; ut quem pastórem habúimus in terris, intercessórem habére mereámur in cælis. Per Dóminum nostrum.

Et fit Commemoratio Octavæ S. Joannis Baptistæ:

Oratio

Deus, qui præsentem diem honorábilem nobis in beáti Joánnis nativitate fecísti: da pópulis tuis spiritualium grátiam gaudiórum; et ómnium fidélium mentes dirige in viam salutis æternæ. Per Dóminum nostrum.

Secreta

C

Múnera tibi, Dómine, dicáta sanctifica: et, intercedénte beáto Crescén-te Mártyre tuo atque Pontífice, per eádem nos placátus inténde. Per Dóminum nostrum Jesum Christum, Fílium tuum: Qui tecum vivit.

Pro Octava S. Joannis

Secreta

Tua, Dómine, munéribus altária cumúlámus: illius nativitatem honóre debito celebránte, qui Salvatórem mundi et cécinit adfutúrum et adesse monstrávit, Dóminum nostrum Jesum Christum, Fílium tuum: Qui tecum vivit.

Postcommunio

C

Hæc nos commúnio, Dómine, purget a crimine: et, intercedénte beáto Crescén-te Mártyre tuo atque Pontífice, cælestis remédii fáciat esse consórtes. Per Dóminum nostrum Jesum Christum, Fílium tuum: Qui tecum vivit et regnat.

Pro Octava S. Joannis

Postcommunio

Sumat Ecclésia tua, Deus, beáti Joánnis Baptistæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum, Fílium tuum: Qui tecum vivit.

Die 4 Julii
S. UDALRICI
EPISCOPI ET CONFESSORIS

Duplex

Missa Státuit, de Communi Confessoris non Pontificis 1 loco, præter Orationem sequentem:

Oratio

Deus, qui cónspicis, quia ex nulla nostra virtúte subsístimus: concéde propítius; ut, intercessióne beáti Udalrici Confessoris tui atque Pontíficis, contra ómnia advérsa muniámur. Per Dóminum nostrum.

Et fit Commemoratio Octavæ Ss. Petri et Pauli Apostolorum:

Oratio

Deus, qui hodiérnam diem Apostolorum tuórum Petri et Pauli martýrio consecrásti: da Ecclésiæ tuæ, eórum in ómnibus sequi præcéptum; per quos religionis sumpsit exórdium. Per Dóminum.

Credo, ratióne Octavæ.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum nostrum.

Pro Octava Ss. Apostolorum

Secreta

Hóstias, Dómine, quas nómini tuo sacrándas offérimus, apostólica prosequá-tur orátio: per quam nos expiári tríbuas et deféndi. Per Dóminum nostrum.

Præfatio de Octava.

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Udalrico

Confessóre tuo atque Pontífice, benefí-cia potióra sumámus. Per Dóminum.

Pro Octava Ss. Apostolorum

Postcommunio

Quos cælésti, Dómine, aliménto satiásti: apostólicis intercessiónibus ab omni ad-versitáte custódi. Per Dóminum.

Die 9 Julii

S. GOARIS CONFESSORIS

Duplex

Introitus Ps. 36, 30-31

OS justi meditábitur sapiéntiam, et lingua ejus loquétur judícium: lex Dei ejus in corde ipsíus. Ps. *ibid.*, 1 Noli æmulári in malignántibus: neque zeláveris faciéntes iniquitátem.

V. Glória Patri.

Oratio

Deus, qui Ecclésiám tuam beáti Goáris Confessoris tui decorásti méritis et lætificásti miráculis: effúnde super nos abúnde misericórdiam tuam; ut, ejus exémplo in mélius reformáti, válido patrocínio ab ómnibus liberémur advérsis. Per Dóminum nostrum.

Léctio libri Ecclesiástici

Eccli. 47, 9-12

In omni ópere dedit Dóminus confes-siónem Sancto et Excélso in verbo glóriæ. De omni corde suo laudávit Dóminum, et diléxit Deum, qui fecit illum, et dedit illi contra inimícos potén-tiam; et stare fecit cantóres contra altáre, et in sono eórum dulces fecit modos. Et dedit in celebratióne decus, et ornávit témpora usque ad consumma-tiónem vitæ, ut laudárent nomen sanc-tum Dómini, et amplificárent mane Dei sanctitátem.

Graduale Ps. 20, 4-5

Dómine, prævenísti eum in benedicti-
onibus dulcédinis: posuísti in cápite ejus
corónam de lápide pretiósio. **V.** Vitam
pétiit a te, et tribuísti ei longitúdinem
diérum in sáeculum sáeculi.

Allelúja, allelúja. **V.** O sancte Goar,
Dómini Conféssor et alme Sacérdos,
propítius nobis tu peccatóribus adsis.
Allelúja.

✠ Sequéntia sancti Evangélii
secúndum Lucam

Luc. 12, 32-34

In illo témpore: Dixit Jesus discí-
pulis: Nolíte timére, pusíllus grex, quia
complácuít Patri vestro dare vobis reg-
num. Véndite quæ possidétis, et date
elemósynam. Fácite vobis sácculos,
qui non veteráscunt, thesáurum non
deficiéntem in cælis: quo fur non ap-
própiat, neque tínea corrúmpit. Ubi
enim thesáurus vester est, ibi et cor
vestrum erit.

Offertorium Ps. 88, 25

Véritas mea et misericórdia mea cum
ipso: et in nómine meo exaltábitur cor-
nu ejus.

Secreta

Beáti Goáris Confessóris tui, Dómine,
venerándam recoléntes memóriam,
tuæ majestáti laudis hóstias immolá-
mus, orántes: ut ejus pia intercessióne
tibi pláceant et nos a peccátis absól-
vant. Per Dóminum nostrum.

Communio Matth. 24, 46-47

Beátus servus, quem, cum vénerit dó-
minus, invénerit vigilántem: amen, dico
vobis, super ómnia bona sua constítuet
eum.

Postcommunio

Súmpsimus, Dómine, beáti Goáris
Confessóris tui memóriam recolén-
tes, sacraménta cælestia: concéde pro-
pítius; ut ejus méritis et précibus nobis
fiant salutária, cujus sacrae recordatió-
nis veneratióne tuæ obláta sunt maje-
státi. Per Dóminum nostrum.

Die 15 Julii

S. HENRICI IMPERATORIS
CONFESSORIS

Duplex

Missa ut in Missali hac die.

Die 11 Augusti

ANNIVERSARIUM DEDICATIONIS
ECCLESIAE CATHEDRALIS

Duplex I classis cum Octava communi

Missa Terríbilis, de Communi Dedic-
ationis Ecclesiae.

Et non fit Commemoratio Ss. Tiburtii
et Susannæ Virg., Mm.

Infra Octavam de ea fit Commemoratio
juxta Rubricas, et dicitur Credo.

Die 13 Augusti

DE OCTAVA DEDICATIONIS
ECCLESIAE CATHEDRALIS

Semiduplex

Missa ut in Festo.

Et fit Commemoratio Ss. Hippolyti et
Cassiani Mm., ut in Missali hac die
et dicitur 3^a Oratio de sancta Maria
Concéde.

¶ Missæ privatae dici possunt ritu festi-
vo, juxta Rubricas, etiam de Ss. Hippo-
lyto et Cassiano Mm., ut in Missali
hac die, cum Commemoratione Octavæ
Dedicationis Ecclesiae Cathedralis et

3^a Oratione de sancta Maria Concède, sed Credo non dicitur.

¶ Si hodie fuerit Sabbatum, Missæ non conventuales dicuntur de Octava cum Commemoratione Vigilæ anticipatæ Assumptionis B. Mariæ Virginis ac Ss. Hippolyti et Cassiani Martyrum, et Evangelio Vigilæ in fine; aut de eadem Vigilæ anticipata cum Commemoratione Octavæ ac Ss. Hippolyti et Cassiani, absque Credo.

Die 14 Augusti
DE OCTAVA DEDICATIONIS
ECCLESIAE CATHEDRALIS

Semiduplex

In Choro post Nonam dicitur Missa conventualis de Vigilia Assumptionis, cum Commemoratione Octavæ Dedicacionis Ecclesiæ Cathedralis ac S. Eusebii Conf. Missæ privatæ vero dici possunt etiam de Octava cum Commemoratione Vigilæ ac S. Eusebii, et in fine legitur Evangelium Vigilæ.

Die 18 Augusti
IN OCTAVA DEDICATIONIS
ECCLESIAE CATHEDRALIS

Duplex majus

Missa Terribilis, ut in Festo, cum Præfatione communi.

Et fit Commemoratio Octavæ Assumptionis B. Mariæ Virg.

Die 19 Augusti
S. HELENÆ IMPERATRICIS, VIDUÆ

Duplex

Introitus Gal. 6, 14

MIHI autem absit gloriári, nisi in Cruce Dómini nostri Jesu Christi: per quem mihi mundus crucifixus est, et ego mundo. Ps. 47, 2 Magnus

Dóminus et laudábilis nimis: in civitaté Dei nostri, in monte sancto ejus.
V. Glória Patri.

Oratio

Deus, qui beátam Hélenam Regínam in præclára salutíferæ Crucis inventióne miráblem effecísti: concède propítius; ut, ejus intercessióne, vitális ligni prétium salutárem in nobis júgiter operétur efféctum. Per Dóminum.

Et fit Commemoratio S. Joannis Eudes Conf.:

Oratio

Deus, qui beátum Joánnem, Confessórem tuum, ad cultum sacrórum Córdium Jesu et Mariæ rite promovéndum mirábiliter inflammásti, et per eum novas in Ecclesiá famílias congregáre voluísti: præsta, quæsumus; ut, cujus pia mérita venerámur, virtútum quoque instruámur exémpis. (Per eúndem Dóminum.)

Deinde Commemoratio Octavæ Assumptionis B. Mariæ Virg.:

Oratio

Omnípotens sempitérne Deus, qui immaculátam Vírginem Mariám, Fílii tui Genitricem, corpore et ánima ad cæléstem glóriam assumpsísti: concède, quæsumus; ut, ad supérna semper inténti, ipsíus glóriæ mereámur esse consórtes. Per eúndem Dóminum nostrum Jesum Christum, Fílium tuum: Qui tecum vivit et regnat.

Léctio libri Sapiéntiæ

Prov. 31, 10-31

Mulíerem fortem quis invéniet? Procul et de últimis línibus prétium ejus. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ.

Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, déditque prædam domésticis suis, et cibária ancíllis suis. Considerávit agrum, et emit eum; de fructu mánuum suárum plantávit víneam. Accínxit fortitúdine lumbos suos, et roborávit bráchium suum. Gustávit, et vidit, quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígiti ejus apprehendérunt fúsum. Manum suam apéruit ínopi, et palmas suas exténdit ad páuperem. Non tímébit dómui suæ a frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus et púrpura induméntum ejus. Nóbilis in portis vir ejus, quando séderit cum senatóribus terræ. Síndonem fecit et véndidit, et cingulum trádidit Chananæo. Fortitúdo et decor induméntum ejus, et ridébit in die novíssimo. Os suum apéruit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlier tímens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale Ps. 44, 3

Diffúsa est grátia in lábiis tuis: proptér-
ea benedíxit te Deus in ætérnum. **V.**
Ib., 5 Propter veritátem, et mansuetúdi-
nem, et justítiam: et dedúcet te mirábí-
liter dextera tua.

Allelúja, allelúja. **V.** Virga regni flóruit,
virgam Crucis regína prótulit: superbó-

rum cápita conquassáta súbdidit jugo
Christi. Allelúja.



Sequéntia sancti Evangélii
secúndum Matthæum

Matth. 13, 44-52

In illo témpore: Dixit Jesus discípulis
suis parábolam hanc: Símile est reg-
num cælórum thesáuro abscóndito in
agro: quem qui invénit homo, abscón-
dit, et præ gáudio illíus vadit, et vendit
univérsa, quæ habet, et emit agrum
illum. Iterum símile est regnum cæló-
rum hómíni negotiátóri, quærénti bonas
margarítas. Invénta autem una pretíosa
margaríta, ábiit, et véndidit ómnia, quæ
hábuít, et emit eam. Iterum símile est
regnum cælórum sagénæ missæ in ma-
re, et ex omni génere píscium congregá-
nti. Quam, cum impléta esset, edu-
céntes, et secus litus sedéntes, elegérunt
bonos in vasa, malos autem foras mi-
sérunt. Sic erit in consummatione sæ-
culi: exhibunt Angeli, et separábunt malos
de médio justórum, et mittent eos in
camínium ignis: ibi erit fletus et stridor
déntium. Intellexístis hæc ómnia? Dicunt
ei: Etiam. Ait illis: Ideo omnis scriba
doctus in regno cælórum símilis est
hómíni patrifamílias, qui profert de the-
sáuro suo nova et vétera.

Credo, **ratione Octavæ Assumptionis.**

Offertorium Ps. 117, 16-17

Dextera Dómini fecit virtútem, dextera
Dómini exaltávit me: non móriar, sed
vivam, et narrábo ópera Dómini.

Secreta

Sacris altáribus tuis impósita múnera,
quæsumus, Dómine, fiant nobis ejus
intercessióne salutária: quæ lignum
sanctæ Crucis, primam hujus oblatiónis
aram, méruit inveníre. Per Dóminum.

Pro S. Joanne

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. (Per Dóminum.)

Pro Octava Assumptionis B. M. V.

Secreta

Ascéndat ad te, Dómine, nostræ devotiónis oblátio, et, beatíssima Vírgine María in cælum assúpta intercedénte, corda nostra, caritátis igne succénsa, ad te júgiter adspírent. Per Dóminum.

Prælatio de B. Maria Virg. Et te in Assumptiône.

Communio Matth. 13, 45-46

Símile est regnum cælórum hómīni negotiátōri, quærēnti bonas margarítas: invēnta autem una pretiōsa margaríta, dedit ómnia sua, et comparávit eam.

Postcommunio

Preiōsi Córporis et Sánguīnis tui, Dómine, pro nobis in ara Crucis oblāti, mystéria sancta sumēntes: quæsumus; ut beátæ Hélenæ précibus nobis ad salutem provēniant, cujus in ejúdem sanctæ Crucis inventiōne recólimus triúmphum: Qui vivis et regnas.

Pro S. Joanne

Postcommunio

Refécti cibo potúque cælésti, Deus noster, te súpplīces exorámus: ut, in cujus hæc commemoratiōne percépimus, ejus muniámur et précibus. (Per Dóminum.)

Pro Octava Assumptionis B. M. V.

Postcommunio

Sumptis, Dómine, salutáribus sacraméntis: da, quæsumus; ut, méritis et intercessiōne beátæ Vírginis Maríæ in cælum

assúptæ, ad resurrectiōnis glóriam perducámur. Per Dóminum nostrum.

¶ Missæ, etiam privatæ, dici possunt, juxta Rubricas, etiam de S. Joanne Eudes Conf., Missa Os justi, de Communi Confessoris non Pontificis I loco, præter Orationem supra positam; et fit Commemoratio S. Helenæ et Octavæ Assumptiōnis; ac ratione Octavæ dicitur Credo et Prælatio de Octava.

Die 17 Septembris

S. HILDEGARDIS VIRGINIS

Duplex majus

Introitus Ps. 72, 28

M IHI autem adhærere Deo bonum est, pónere in Dómino spem meam: ut annúntiem omnes prædicationes tuas in portis filíæ Sion. Ps. 40, 13 Me autem propter innocéntiam suscepísti: et confirmásti me in conspéctu tuo in ætérnum. V. Glória Patri.

Oratio

D eus, qui beátam Hildegárdem Vírginem tuam donis cæléstibus decorásti: tribue, quæsumus; ut, ejus vestigiis et documéntis insistentēs, a præsentis sæculi calígine ad lucem tuam delectábilem transíre mereámur. Per Dóminum nostrum.

Et fit Com. Impressionis Ss. Stigmatum S. Francisci Conf.:

Oratio

Dómine Jesu Christe, qui, frigescente mundo, ad inflammándum corda nostra tui amóris igne, in carne beatíssimi Francisci passiōnis tuæ sacra Stigmata renovásti: concéde propítius; ut ejus méritis et précibus crucem júgiter ferámus, et dignos fructus pœniténtiæ faciámus: Qui vivis et regnas.

Lectio Epistolæ
beāti Pauli Apóstoli ad Corínthios

1 Cor. 1, 26-29

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infírma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus.

Graduale Cantic. 3, 4 et 6, 2

Invéni quem díligit ánima mea: ténui eum, nec dimíttam. **V.** Ego dilécto meo, et diléctus meus mihi, qui páscitur inter lília.

Allelúja, allelúja. **V.** Isai. 61, 10 Exsultábit ánima mea in Deo meo, quia índuit me vestiméntis salútis, quasi sponsam ornátam monílibus suis. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Sap. 4, 1-3

O quam pulchra est casta generatio cum claritate: immortalis est enim memoria illius, quoniam et apud Deum nota est, et apud homines. **V.** Cum præsens est, imitantur illam, et desiderant eam, cum se eduxerit. **V.** Et in perpetuum coronata triumphat, incoinquinatorum certaminum præmia vincens.

Tempore Paschali omittitur Graduale, et ejus loco dicitur:

Allelúja, allelúja. **V.** Ps. 30, 22 Benedictus Dóminus: quoniam mirificavit misericórdiam suam mihi in civitate

muníta. Allelúja. **V.** Prov. 4, 9 Lætáre, mater nostra, quia dabit Dóminus cápiti tuo augménta gratiárum, et coróna ínclýta próteget te. Allelúja.



Sequéntia sancti Evangéllii
secúndum Matthæum

Matth. 25, 1-13

In illo témpore: Dixit Jesus discípulis suis parábolam hanc: Símile erit regnum cælórum decem virgínibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non suffíciat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte ítaque, quia nescítis diem neque horam.

Offertorium Ps. 41, 2 et 3

Quemádmódu desiderat cervus ad fontes aquárum, ita desiderat ánima mea ad te, Deus. Sitívit ánima mea ad Deum fortem vivum.

Secreta

Sanctæ Hildegárdis Vírginis tuæ festa recoléntes, preces offérimus et hóstias immolámus: præsta, quæsumus, Dómine; ut, cum præsidio temporáli, vitæ nobis præbeant incrementa perpétuæ. Per Dóminum nostrum.

Pro Impressione

Ss. Stigmatum S. Francisci

Secreta

Múnera tibi, Dómine, dicáta sanctífica: et, intercedénte beáto Francíscio, ab omni nos culpárum labe purífica. Per Dóminum nostrum.

Communio Philipp. 1, 20 et 21

Magnificábitur Christus in córpore meo, sive per vitam, sive per mortem: mihi enim vívere Christus est, et mori lucrum.

Postcommunio

Perpétuo, Dómine, favóre proséquere, quos réficis divíno mystério: et quos imbuísti cæléstibus institútis; eósdem, intercedénte beáta Hildegárde Vírgine tua, salutáribus comitáre solátiis. Per Dóminum nostrum.

Pro Impressione

Ss. Stigmatum S. Francisci

Postcommunio

Deus, qui mira Crucis mystéria in beáto Francíscio Confessóre tuo multifórmiter demonstrásti: da nobis, quæsumus; devotiónis suæ semper exémpla sectári, et assídua ejúsdem Crucis meditatióne muníri. Per Dóminum nostrum.

¶ Missæ, etiam privatæ, dici possunt, juxta Rubricas, etiam de Impressione Ss. Stigmatum S. Francisci Conf., ut in Missali hac die, cum Commemoratione S. Hildegardis.

2** Propr. Limburgen.

Die 25 Septembris
S. MATERNI EP. ET CONF.

Duplex

Introitus Eccli. 45, 30

STATUIT ei Dóminus testaméntum pacis, et príncipem fecit eum: ut sit illi sacerdotií dignitas in ætérnum. Ps. 131, 1 Meménto, Dómine, David: et omnis mansuetúdinis ejus. V. Glória Patri.

Oratio

Deus, qui diversárum natiónum pópulis præcláros veræ fidei constituísti doctóres: præsta, quæsumus; ut omnes, qui ad beáti Matérni Confessóris tui atque Pontíficis festa convéniunt, præsentis prosperitátem vitæ et futúram ánimæ beatitúdinis glóriam consequántur. Per Dóminum.

Léctio Epístolæ
beáti Pauli Apóstoli ad Hebræos

Hebr. 13, 7-17

Fratres: Mementóte præpositórum vestrórum, qui vobis locúti sunt verbum Dei: quorum intuéntes éxítum conversatiónis, imitámini fidem. Jesus Christus heri et hódie: ipse et in sæcula. Doctrínis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem,

sed futúram inquirimus. Per ipsum ergo offerámus hóstiám laudis semper Deo, id est fructum labiórum confiténtium nómini ejus. Beneficéntiæ autem et communiónis nolíte oblivísci: tálibus enim hóstiis promerétur Deus. Obædíte præpósitis vestris, et subjacéte eis. Ipsi enim pervígilant, quasi ratiónem pro animábus vestris redditúri.

Graduale Ps. 88, 21-23

Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **V.** Nihil proficiet inimícus in eo, et fílius iniquitátis non nocébit ei.

Allelúja, allelúja. **V.** Iste est, qui ante Deum magnas virtútes operátus est, et omnis terra doctrína ejus repléta est. Allelúja.



Sequéntia sancti Evangéllii
secúndum Matthæum

Matth. 25, 14-23

In illo témpore: Dixit Jesus discíplis suis parábolam hanc: Homo pégre proficíscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuique secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus ejus: Euge, serve

bone et fidélis, quia super pauca fuísti fidélis, super multa te constítuam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constítuam: intra in gáudium dómini tui.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus.

Secreta

Sancti Matérni Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Communio Matth. 25, 20-21

Dómine, quinque talénta tradidísti mihi, ecce, ália quinque superlucrátus sum: Euge, serve bone et fidélis, quia in pauca fuísti fidélis, supra multa te constítuam, intra in gáudium Dómini tui.

Postcommunio

Deus, fidélium remunerátor animárum: præsta; ut beáti Matérni Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum.

Die 13 Octobris

S. LUBENTII CONFESSORIS

Duplex

Missa Os justi, de Comuni Confessoris non Pontificis 1 loco.

Oratio

Deus, qui pópulo tuo beátum Lubéntium Confessórem grátia prædicationis et operatione virtútum miráblem effecísti: concéde nobis fámulis tuis; et ea, quæ dócuit, intelléctu conspícere, et quæ egit, imitatione complére. Per Dóminum nostrum.

Et fit Commemoratio S. Eduardi Regis, Conf.:

Oratio

Deus, qui beátum regem Eduárdum Confessórem tuum æternitátis glória coronásti: fac nos, quæsumus; ita eum venerári in terris, ut cum eo regnare possimus in cælis. Per Dóminum.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus et futúris. Per Dóminum nostrum.

Pro S. Eduardo

Secreta

Præsta nobis, quæsumus, omnípotens Deus: ut nostræ humilitátis oblátio, et

Pro tuórum tibi grata sit honóre Sanctórum, et nos córpore páriter et mente puríficet. Per Dóminum nostrum.

Postcommunio

Refécti cibo potúque cælesti, Deus noster, te súpplikes exorámus: ut, in cujus hæc commemoratióne percépipimus, ejus muniámur et précibus. Per Dóminum nostrum.

Pro S. Eduardo

Postcommunio

Quæsumus, omnípotens Deus: ut, qui cælestia aliménta percépipimus, intercedente beáto Eduárdo Confessóre tuo, per hæc contra ómnia advérsa muniámur. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum.

Missæ, etiam privatae, dici possunt, juxta Rubricas, etiam de S. Eduardo Rege, Conf., ut in Missali hac die, cum Commemoratione S. Lubentii (cum Oratione ut supra, Secreta et Postcommunionem ex Missa Justus ut palma, de Communi 2 loco).

APPENDIX

FESTA TITULARIUM PARTICULARIUM ECCLESIARUM
ET PATRONORUM SINGULORUM LOCORUM

Sequentes Sancti, sicubi sint Titulares ecclesiarum vel Patroni præcipui locorum, habent ritum dupl. I classis cum Octava communi et Credo per totam Octavam.

Dies infra Octavam habent ritum semiduplicem et prævalent solis Officiis simplicibus et commemorantur in ceteris Officiis, quæ non sint duplicia I et II classis; at etiam hæc Duplicia assumunt Credo et, si propria carent Præfatione, etiam Præfationem propriam Octavæ.

Dies Octava est ritus duplicis majoris et prævalet ceteris Officiis, præterquam Dominicis, Festis duplicibus I et II classis atque Octavis privilegiatis II ordinis.

Octavæ particulares cessant a Feria IV Cinerum ad Dominicam in albis, a Vigilia Pentecostes ad Festum Ss. Trinitatis, et a die 17 ad 25 Decembris; Festa vero occurrentia diebus 19 ad 23 Decembris post diem 25 Decembris retinent residuum Octavæ.

Die 4 Decembris

S. BARBARÆ VIRG. ET MART.

Introitus

GAUDEAMUS omnes in Dómino, diem festum celebrántes sub honóre beátæ Bárbaræ Vírginis et Mártiris: de cujus passióne gaudent Angeli et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi.

V. Glória Patri.

Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulisti: concéde propítius; ut, qui beátæ Bárbaræ Vírginis et Mártiris tuæ natalícia cólimus, per ejus ad te exémpa gradiámur. Per Dóminum nostrum.

Et, in Missis privatis tantum, fit Commemoratio S. Petri Chrysologi Ep., Conf. et Eccl. Doct.:

Oratio

Deus, qui beátum Petrum Chrysólogum Doctórem egrégium, divínitus præmonstrátum, ad regéndam et instruéndam Ecclésiám tuam éligi voluísti: præsta, quæsumus; ut, quem Doctórem vitæ habúimus in terris, intercessórem habére mereámur in cælis. (Per Dóminum.)

Deinde, in omnibus Missis, Commemoratio Feriæ.

Léctio Epístolæ

beáti Pauli Apóstoli ad Corínthios

1 Cor. 1, 26-31

Fratres: Vidéte vocatiónem vestram, quia non multi sapiéntes secúndum carnem, non multi poténtes, non multi

nóbiles: sed quæ stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificátio, et redéptio: ut, quemádmódu scriptum est: Qui gloriátur, in Dómino gloriétur.

Graduale Ps. 45, 6

Adjuvábít eam Deus vultu suo: Deus in médio ejus, non commovébitur. **V.** *Ibid.*, 5 Flúminis ímpetus lætíficat civitátem Dei: sanctificávit tabernáculum suum Altíssimus.

Allelúja, allelúja. **V. Ps. 118, 46** Loquébar de testimóniis tuis in conspéctu regum, et non confundébar. Allelúja.

✠ Sequéntia sancti Evangélii secúndum Matthæum

Matth. 19, 3-12

In illo témpore: Accessérunt ad Jesum pharisæi tentántes eum, et dicéntes: Si licet hómini dimíttere uxórem suam quacúmque ex causa? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia, quicúmque dimíserit uxórem suam, nisi

ob fornicatiónem, et áliam dúxerit, mœchátur: et qui dimíssam dúxerit, mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cápíunt verbum istud, sed quibus datum est. Sunt enim eunúchi, qui de matris útero sic nati sunt; et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cælórum. Qui potest cápere, cápíat. Credo.

Offertorium Ps. 44, 15

Afferéntur Regi Vírgines post eam: próximæ ejus afferéntur tibi.

Secreta

Súscipe, Dómine, múnera, quæ in beátæ Bárbaræ Vírginis et Mártiris tuæ solemnitéte deférimus: cujus nos confídimus patrocínio liberári. Per Dóminum nostrum.

Pro S. Petro Chrysologo

Secreta

Sancti Petri Chrysólogi Pontíficis tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. (Per Dóminum nostrum.)

Deinde Commemoratio Feriæ.

Communio Ps. 118, 78 et 80

Confundántur supérbi, quia injúste iniquitátem fecérunt in me: ego autem in mandátis tuis exercébor, in tuis justificatió nibus, ut non confúndar.

Postcommunio

Auxiliéntur nobis, Dómine, sumpta mystéria: et, intercedénte beáta Bárbara Vírgine et Mártire tua, sempitérna protectióne confírment. Per Dóminum nostrum.

Pro S. Petro Chrysologo

Postcommunio

Ut nobis, Dómine, tua sacrificia dent salutem: beátus Petrus Chrysólogus Pón-tifex tuus et Doctor egrégius, quæsumus, precátor accédât. (Per Dóminum.)

Deinde Commemoratio Feriæ.

Die 20 Januarii

S. SEBASTIANI MARTYRIS

Missa In virtúte, de Communi unius Martyris 3 loco; et dicitur Credo.

Et, in Missis privatis tantum, fit Com-memoratio S. Fabiani Papæ et Mart. ex Missa Si díligis, de Communi Sum-morum Pontificum, ac dicitur Præfatio de Apostolis.

Die 26 Aprilis

BEATÆ MARIÆ VIRGINIS
TITULO DE BONO CONSILIO

Missa Gaudeámus, ut inter Festa pro aliquibus locis.

Et, in Missis privatis tantum, fit Com-memoratio Ss. Cleti et Marcellini Pp. et Mm. ex Missa Si díligis me, de Com-muni Summorum Pontificum.

Die 1 Maji

S. WALBURGIS VIRGINIS

Missa Dilexísti, de Communi Virginum 3 loco, et dicitur Credo.

Die 13 Maji

S. SERVATII EP. ET CONF.

Missa Sacerdótes tui, de Communi Con-fessoris Pontificis 2 loco, præter Ora-tionem sequentem:

Oratio

P

D^eus, qui pópulo tuo beátum Ser-vátium Confessórem tuum atque Pontíficem divíni verbi præcónem con-cédere dignátus es: ejus méritis et inter-cessióne concéde; ut, ab ómnibus ad-vérsis liberáti, tibi fidéliter deservíre studeámus. Per Dóminum nostrum.

Credo.

Secreta

C

S^ancti Servátii Confessóris tui atque Pontíficis, quæsumus, Dómine, án-nua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comi-tétur, et nobis grátia tuæ dona concíliet. Per Dóminum nostrum.

Postcommunio

C

D^eus, fidélium remunerátor animá-rum: præsta; ut beáti Servátii Con-fessóris tui atque Pontíficis, cujus vene-rándam celebrámus festivitátem, préci-bus indulgéntiam consequámur. Per Dóminum nostrum.

Die 16 Maji

S. JOANNIS NEPOMUCENI MART.

Missa Dedit mihi Dóminus, ut inter Festa pro aliquibus locis 16 Maji; et dicitur Credo.

Et, in Missis privatis tantum, fit Com-memoratio S. Ubaldi Episcopi et Con-fessoris:

Oratio

Auxílium tuum nobis, Dómine, quæsu-mus, placátus impénde: et, intercessióne beáti Ubáldi Confessóris tui atque Pon-tíficis, contra omnes diáboli nequítias dexteram super nos tuæ propitiatiónis exténde. Per Dóminum nostrum.

Pro S. Ubaldo**Secreta**

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

Pro S. Ubaldo**Postcommunio**

C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, benefícia potióra sumámus. Per Dóminum.

Die 24 Maji

BEATÆ MARIE VIRGINIS

titulo

AUXILIUM CHRISTIANORUM

**Missa ut inter Festa pro aliquibus locis
24 Maji.**

Die 29 Maji

S. MAXIMINI EP. ET CONF.

Missa Sacerdótes tui, de Communi Confessoris Pontificis 2 loco, præter Orationem sequentem:

Oratio

P

Deus, qui hodiérnam diem beáti Maximíni Confessoris tui atque Pontíficis solemnitáte consecrásti: adésto famíliæ tuæ précibus, et præsta; ut, cujus gloriámur méritis, ejus semper patrocínio muniámur. Per Dóminum.

Et, in Missis privatis tantum, fit Commemoratio S. Mariæ Magdalænæ de Pazzis Virginis:

Oratio

Deus, virginitátis amátor, qui beátam Mariám Magdalénam Vírginem, tuo amóre succénsam, cæléstibus donis decorásti: da; ut, quam festíva celebritáte

venerámur, puritáte et caritáte imitémur. Per Dóminum nostrum.
Credo.

Secreta

C

Sancti Maximíni Confessoris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Pro S. Maria Magdalena**Secreta**

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percépsisse cognóscit auxiliúm. Per Dñm.

Postcommunio

C

Deus, fidélium remunerátor animárum: præsta; ut beáti Maximíni Confessoris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum.

Pro S. Maria Magdalena**Postcommunio**

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum.

Die 16 Junii

SS. AURÆI EPISCOPI ET JUSTINÆ VIRGINIS, MARTYRUM

Introitus Ps. 33, 20-21

MULTÆ tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus ejus in ore meo. **V.** Glória Patri.

Oratio

Deus, qui glorificáris in consílio sanctórum Mártyrum tuórum Auráei et Justínæ: réspice ad preces humilitátis nostræ; ut, quorum solémnia celebrámus, eórum intercessiónibus adjuvári mereámur. Per Dóminum.

Lectio Epístolæ
beáti Pauli Apóstoli ad Hebræos

Hebr. 11, 33-39

Fratres: Sancti per fidem vicérunt regna, operáti sunt justítiam, adépti sunt repromissiones, obturavérunt ora leónum, exstinxérunt ímpetum ignis, efugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria et vérbera expéti, ínsuper et víncula et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti, invénti sunt in Christo Jesu, Dómino nostro.

Graduale Ps. 123, 7-8

Anima nostra, sicut passer, erépta est de láqueo venántium. **V.** Láqueus contrítus est, et nos liberáti sumus: adiutoriú nostrum in nómine Dómini, qui fecit cælum et terram.

Allelúja, allelúja. **V.** Ps. 31, 11 Lætámini in Dómino et exultáte, justi: et gloriámini, omnes recti corde. Allelúja.



Sequéntia sancti Evangélii
secúndum Lucam

Luc. 12, 2-8

In illo témpore: Dixit Jesus discíplis suis: Nihil opértum est, quod non revelétur: neque absconditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis, quem timeátis: timéte eum, qui, postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis, quicumque conféssus fúerit me coram homínibus, et Fílius hóminis confitébitur illum coram Angelis Dei. Credo.

Offertorium Ps. 149, 5-6

Exsultábunt Sancti in glória, lætabúntur in cubílibus suis: exaltatiónes Dei in gútture eórum, allelúja.

Secreta

Réspice, Dómine, múnera, quæ in sanctórum Mártyrum tuórum Auráei et Justínæ commemoratióne deférimus: et præsta; ut, quorum honóre sunt grata, eórum nobis fiant intercessióne salutária. Per Dóminum nostrum.

Communio Ps. 78, 2 et 11

Posuérunt mortália servórum tuórum, Dómine, escas volatílibus cæli, carnes Sanctórum tuórum béstiis terræ: secúndum magnitúdinem bráchii tui pósito filios morte punitórum.

Postcommunio

Caeléstibus refécti mystériis súpli-
ces te rogámus, Dómine: ut, quo-
rum gloriámur triúmphis, protegámur
auxíliis. Per Dóminum nostrum.

Die 8 Julii

S. CHILIANI EP. ET MART.

Missa Státuit, de **Communi unius Mar-
tyris 1 loco; ac dicitur Credo.**

Et fit **Commemoratio Ss. Sociorum Mar-
tyrum:**

Oratio

Deus, qui nos ánnua sanctórum Már-
tyrum tuórum solemnitáte lætíficas:
concéde propítius; ut, quorum gaudé-
mus méritis, accendámur exémpis. (Per
Dóminum nostrum.)

Et, in **Missis privatis tantum, fit Com-
memoratio S. Elisabeth Reginæ, Viduæ:**

Oratio

Clementíssime Deus, qui beátam Elísa-
beth regínam, inter céteras egrégias
dotes, béliici furóris sedánda præroga-
tíva decorásti: da nobis, ejus interces-
sióne; post mortális vitæ, quam suppli-
citer pétimus, pacem, ad æténa gáudia
perveníre. Per Dóminum nostrum.

Pro Ss. Sociis Martyribus

Secreta

Oblátis, quæsumus, Dómine, placáre
munéribus: et, intercedéntibus sanctis
Martýribus tuis, a cunctis nos defénde
perículis. (Per Dóminum nostrum.)

Pro S. Elisabeth

Secreta

Accépta tibi sit, Dómine, sacrátæ plebis
oblátio pro tuórum honóre Sanctórum:
quorum se méritis de tribulatióne per-
cepísse cognóscit auxílium. Per Dñm.

Pro Ss. Sociis Martyribus

Postcommunio

Hæc nos commúnio, Dómine, purget a
crímine: et, intercedéntibus sanctis Mar-
týribus tuis, cæléstis remédii fáciat esse
consórtes. (Per Dóminum nostrum.)

Pro S. Elisabeth

Postcommunio

Satiásti, Dómine, famíliam tuam mu-
néribus sacris: ejus, quæsumus, semper
interventióne nos réfove, cujus solémnia
celebrámus. Per Dóminum nostrum.

Die 20 Julii

S. MARGARITÆ VIRG. ET MART.

Missa Me exspectavérunt, de **Communi
Virginum 2 loco, præter Orationem se-
quentem:**

Oratio

P

Deus, qui beátam Margarítam Vír-
ginem hodiérna die ad cælos per
martýrii palmam veníre fecísti: concéde,
quæsumus; ut, ejus exémpa sequéntes,
ad te perveníre mereámur. Per Dómi-
num nostrum.

Et, in **Missis privatis tantum, fit Com-
memoratio S. Hieronymi Æmiliani Conf.:**

Oratio

Deus, misericordiárum pater, per mé-
rita et intercessiόνem beáti Hierónymi,
quem órphanis adjutórem et patrem esse
voluísti: concéde; ut spíritum adopti-
onis, quo filii tui nominámur et sumus,
fidéliter custodiámus. Per Dóminum.

Evangelium Símile erit regnum cæló-
rum decem virgínibus, ex **Missa Dile-
xísti, de Communi Virginum 3 loco.**

Credo.

Secreta

Hóstias tibi, Dómine, beátæ Margarítæ Vírginis et Mártiris tuæ dicá-tas méritis, benígnus assúme: et ad perpétuum nobis tribue proveníre subsidi-um. Per Dóminum nostrum.

Pro S. Hieronymo Æmiliani**Secreta**

Clementíssime Deus, qui, véteri hómine consúmpto, novum secúndum te in beáto Hierónymo créare dignátus es: da, per mérita ipsíus; ut nos, páriter renováti, hanc placatiónis hóstiam in odórem tibi suavíssimum offerámus. Per Dómi-num nostrum.

Postcommunio

Divíni múnere largitáte satiáti, quæ-sumus, Dómine, Deus noster: ut, intercedénte beáta Margaríta Vírgine et Mártire tua, in ejus semper participa-tióne vivámus. Per Dóminum nostrum.

Pro S. Hieronymo Æmiliani**Postcommunio**

Angelórum pane refécti te, Dómine, sup-plicíter deprecámur: ut, qui ánnuam beáti Hierónymi Confessóris tui me-móriam celebráre gaudémus; ejúsdem étiam et exéplum imitémur, et amplís-simum in regno tuo præmium obtinére valeámus. Per Dóminum nostrum.

Die 5 Augusti

S. OSWALDI REGIS, MARTYRIS

Missa In virtúte, de **Communi unius Martyris 3 loco, præter Orationes se-quentes:**

Oratio

Deus, qui donásti beáto Oswáldo Regi et Mártiri tuo glóriam ter-rénæ potestátis in divinum convérte

C

amórem: da nobis ejus intercessióne, in tui nóminis amóre júgiter permanére. Per Dóminum nostrum.

Et, in Missis privatis tantum, fit Com-memoratio Dedicationis S. Mariæ ad Nives:

Oratio

Concéde nos fámulos tuos, quæsumus, Dómine Deus, perpétua mentis et cór-poris sanitáte gaudére: et, gloriósa beátæ Mariæ semper Vírginis intercessióne, a præsentí liberári tristítia, et ætérna pér-frui lætítia. Per Dóminum nostrum.

Credo.

Secreta

P

Adéstó, Dómine, supplicatióibus no-
stris, quas in sancti Oswáldi Már-tyris tui commemoratióne deférimus: ut, qui nostræ justítie fidúciam non ha-bémus; ejus, qui tibi plácuít, méritis adjuvémur. Per Dóminum nostrum.

Pro S. Maria ad Nives**Secreta**

Tua, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum nostrum.

Præfatio communis; in Missis privatis vero Præfatio de B. Maria Virg. Et te in Festivitate.

Postcommunio

P

Quæsumus, Dómine, salutáribus re-
pléti mystériis: ut, cujus solémnia celebrámus, ejus oratióibus adjuvémur. Per Dóminum nostrum.

Pro S. Maria ad Nives**Postcommunio**

Sumptis, Dómine, salutis nostræ sub-sídiis: da, quæsumus, beátæ Mariæ

semper Virginitatis patrociniis nos ubique protegi; in cuius veneratione haec tuae obtulimus maiestati. Per Dominum.

Et, in Missis privatis tantum, legitur in fine Evangelium B. Mariae Virg. ad Nives.

Die 16 Augusti

S. ROCHI CONFESSORIS

Introitus

CONGRATULAMINI omnes in Domino, diem beati Rochi celebrantes, in cuius festivitate laetatur Ecclesia, plebs exultat, Angeli dulces dant melodias, dicentes: Gloria tibi, Domine, qui talem virum Confessorem elegisti. **Ps. 118, 1** Beati immaculati in via: qui ambulat in lege Domini. **V.** Gloria Patri.

Oratio

Deus, qui beato Rocho per Angelum tuum tabulam eidem afferentem promisisti, ut, qui ipsum invocaverit, a nullo pestis cruciatu laederetur: praesta, quaesumus; ut, qui ejus natalicia colimus, ipsius precibus et meritis a mortifera peste corporis et animae salvemur. Per Dominum nostrum.

Lectio Epistolae
beati Pauli Apostoli ad Timotheum

2 Tim. 2, 8-10; 3, 10-12

Carissime: Memor esto, Dominum Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut et ipsi salutem consequantur, quae est in Christo Jesu, cum gloria caelesti. Tu autem assecutus es meam doctrinam,

institutionem, propositum, fidem, longanimitatem, dilectionem, patientiam, persecutiones, passiones: quae mihi facta sunt Antiochiae, Iconii et Lystris: quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecutionem patientur.

Graduale

Tibi, sancte Roche, honor sit et gloria, et te deprecantes apud caeleste numen tuis precibus a morbo epidemiae salvos redde. **V.** Fac, quaesumus, beate Roche, Confessor Christi, ut apud Deum preces nostrae non sint vanae, et nobis aëris temperiem concede, ut et in fine tecum in caelis congratulemur.

Allelúja, allelúja. **V.** O beate Confessor Roche! O quam magna apud Deum sunt merita tua; quibus credimus nos a morbo epidemiae posse liberari, et aëris temperiem concedi. Allelúja.

✠ Sequentia sancti Evangelii
secundum Matthaeum

Matth. 19, 27-29

In illo tempore: Dixit Petrus ad Jesum: Ecce, nos reliquimus omnia, et secuti sumus te: quid ergo erit nobis? Jesus autem dixit illis: Amen, dico vobis, quod vos, qui secuti estis me, in regeneratione, cum sederit Filius hominis in sede maiestatis suae, sedebitis et vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

Credo.

Offertorium

Rochum, Christi Confessorem, exoratum facimus, et preces ad Patrem nostrum dirigimus, ut sua intercessione a languoribus et epidemiae peste salvemur, et aeris temperiem servemus.

Secreta

Parce nobis, Domine, et flagella irae tuae, quae peccata nostra merentur, precibus et meritis beatissimi Confessoris tui Rochi a nobis misericorditer averte. Per Dominum nostrum.

Prælatio de B. Maria Virg. Et te in Assumptione, ratione Octavae.

Tempore pestis in sequenti Communionem dicitur: aeris temperiem concede.

Communio

O quam magnificum est nomen tuum, beate Roche! qui tuis intercessionibus multitudinem languentium nosti sanare, et nomen tuum gloriosum commemorantibus omnibus te propitium exhibere: salva nos a morbo ac epidemiae peste et aeris temperiem conserva.

Postcommunio

Præsta, quæsumus, omnipotens Deus: ut, qui cælestia alimenta percipimus, intercedente beato Rocho Confessore tuo, per hæc contra omnia adversa mundi muniamur; ac ab omni morbo et peste, ac subitanea morte salvemur. Per Dominum nostrum.

☩ *Si Missa tempore pestis celebretur, in orationibus prædictis loco salvemur et salva dicitur liberemur et libera.*

Die 29 Augusti

S. ADELPHI EP. ET CONF.

Missa Stáruit, de Communi Confessoris Pontificis 1 loco, ac dicitur Credo.

Et, in Missis privatis tantum, fit Commemoratio Decollationis S. Joannis Baptistæ, ut in Missali hac die, et legitur ejus Evangelium in fine, juxta Rubricas.

Die 22 Septembris

S. MAURITII MARTYRIS

Missa In virtute, de Communi unius Martyris 3 loco, præter Orationes sequentes:

Oratio

P

Annue, quæsumus, omnipotens Deus: ut sancti Martyris tui Mauricii nos lætificet festiva sollemnitas; ut, cujus suffragiis nitimur, ejus nataliciis gloriamur. Per Dominum nostrum.

Et, in Missis privatis tantum, fit Commemoratio S. Thomæ de Villanova Ep. et Conf.:

Oratio

Deus, qui beatum Thomam Pontificem insignis in pauperes misericordiae virtute decorasti: quæsumus; ut, ejus intercessione, in omnes, qui te deprecantur, divitias misericordiae tuae benignus effundas. Per Dominum.

Credo.

Secreta

P

Respice, quæsumus, Domine, mûnera, quæ in sancti Martyris tui Mauricii commemoratione deférimus: et præsta; ut, cujus honore sunt grata, ejus nobis fiant intercessione perpétua. Per Dominum nostrum.

Pro S. Thoma

Secreta

Sancti Thomæ Confessoris tui atque Pontificis, quæsumus, Domine, annua sollemnitas pietati tuae nos reddat acceptos: ut, per hæc piæ placationis of-

fficia, et illum beáta retribútio comitétur, et nobis grátiae tuæ dona concíliet. Per Dóminum nostrum.

Postcommunio

PCælestibus refécti sacraméntis et gáudiis: súpplices te rogámus, Dómine; ut, cujus gloriámur triúmpho, protegámur auxílio. Per Dóminum.

Pro S. Thoma

Postcommunio

Deus, fidélium remunerátor animárum: præsta; ut beáti Thomæ Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Die 9 Octobris

S. DIONYSII EP. ET MART.

Introitus Dan. 3, 84 et 87

SACERDOTES Dei, benedícite Dóminum: sancti et húmiles corde, laudáte Deum. *Ib., 57* Benedícite, ómnia ópera Dómini, Dómino: laudáte et superexaltáte eum in sæcula. *V.* Glória Patri.

Oratio

Deus, qui hodiérna die beátum Dionýsium, Mártyrem tuum atque Pontíficem, virtúte constántiæ in passióne roborásti: tríbue nobis, quæsumus; ejus imitatioe, pro amóre tuo próspera mundi despícere, et nulla ejus advérsa formidáre. Per Dóminum nostrum.

Et, in Missis privatis tantum, fit Commemoratio S. Joannis Leonardi Conf.:

Oratio

Deus, qui beátum Joánnem Confessórem tuum ad fidem in géntibus propagándam mirábiliter excitáre dignátus es, ac per eum in erudiéndis fidélibus novam

in Ecclésia tua famíliam congregásti: da nobis fámulis tuis, ita ejus institútis proficere; ut præmia consequámur æténa. Per Dóminum nostrum.

Epistola Stans Paulus, *ut in Missali hac die.*

Graduale Ps. 8, 6-7

Glória et honóre coronásti eum. *V.* Et constituísti eum super ópera mánuum tuárum, Dómine.

Allelúja, allelúja. *V.* Hic est Sacérdos, quem coronávit Dóminus. Allelúja.

Evangelium Atténdite a ferménto, *ut in Missali hac die.*

Credo.

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Obláta tibi, Dómine, múnera pópuli tui, pro sancti Dionýsii Epíscopi et Mártyris tui honóre, súscepe propítius, quæsumus: et ejus nos intercessióne sanctífica. Per Dóminum nostrum.

Pro S. Joanne Leonardi

Secreta

Súscepe, Dómine, oblatiónem mundam salutáris hóstiæ: et præsta; ut, intercedénte beáto Joáanne Confessóre tuo, ubique géntium júgiter offerátur. Per Dóminum nostrum.

Communio Ps. 20, 4

Posuísti, Dómine, in cápite ejus corónam de lápide pretiósio.

Postcommunio

Sumptis, Dómine, sacraméntis, quæsumus: ut, intercedénte beáto Mártyre tuo Dionýsio, ad redemptiόνis æténae proficiámus augméntum. Per Dñm.

Pro S. Joanne Leonardi

Postcommunio

Pretiósi Córporis et Sánguini tui sacris refécti mystériis, Dómine, adprecámur: ut, beáti Joánnis Confessóris tui exémplo, studeámus confitéri quod crédidit, et ópere exercére quod dócuit: Qui vivis et regnas cum Deo Patre.

☞ De Ss. Rustico et Eleutherio Mm. nihil fit.

Die 16 Octobris

S. GALLI ABBATIS

Missa Os justi, de Communi Abbatum, ac dicitur Credo.

Die 21 Octobris

SS. URSULÆ ET SOCIARUM
VIRGINUM ET MARTYRUM

Missa Loquébar, ut in Missali hac die, ac dicitur Credo.

Die 22 Octobris

S. WENDELINI CONFESSORIS

Missa Os justi, de Communi Abbatum, præter Orationes sequentes:

Oratio

P

Concéde, quæsumus, omnipotens Deus: ut, qui beáti Wendelíni Confessóris tui solémnia celebrámus; ejus patrocíniis protécti et exémplic instrúcti ad te gradiámur. Per Dóminum.

Credo.

Secreta

P

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum nostrum.

Postcommunio

P

Quæsumus, omnipotens Deus: ut, qui cælestia aliménta percépimus; intercedénte beáto Wendelíno Confessóre tuo, per hæc contra ómnia advérsa muniámur. Per Dóminum nostrum.

Die 29 Octobris

S. FERRUTII MARTYRIS

Missa In virtúte tua, de Communi unius Martyris 3 loco, præter sequentia:

Oratio

P

Deus, qui Ecclésiám tuam in terris militántem, inter plúrimos fidei nostræ propugnándæ athlétas, étiam gloriósi Mártyris Ferrútii passióne corroboráre dignátus es: concéde propítius; ut, ejus méritis ac précibus legítimè in terris certántes, cum eo coronári mereámur in cælis. Per Dóminum nostrum.

Evangelium Si quis venit, ex Missa Státuit, de Communi unius Martyris 1 loco.

Credo.

Secreta

P

His, Dómine, munéribus propítius adésto: ut, quæ sacris sunt obláta mystériis, beáti Mártyris tui Ferrútii intercessióne tibi pláceant. Per Dóminum.

Postcommunio

P

Refécti pane cælesti, quæsumus, omnipotens Deus: ut, intercedénte beáto Ferrútio Mártyre tuo, ad vitam nutriámur ætérrnam. Per Dóminum nostrum.

Die 3 Novembris

S. HUBERTI EP. ET CONF.

Missa Sacerdótes tui, de Communi Confessoris Pontificis 2 loco, præter Orationem sequentem; ac dicitur Credo.

Oratio P

Deus, qui beátum Hubértum Confessórem tuum atque Pontíficem ad viam veritátis mirabiliter convertísti, et plúrimos dæmoníacos ac mente captos ipsíus précibus prístinæ sanitáti restituísti: tríbue, quæsumus, nobis; ut, ejúsdem patrocínio ab omni dæmonum incúrsu líberi, sana tibi mente famulémur. Per Dóminum nostrum Jesum Christum, Fílium tuum: Qui tecum vivit et regnat.

Credo.

Secreta C

Sancti Hubéрти Confessóris tui atque Pontíficis, quæsumus, Dómine, ánnua solémnitas pietáti tuæ nos reddat accéptos: ut, per hæc piæ placatiónis offícia, et illum beáta retribútio comítetur, et nobis grátiae tuæ dona concíliet. Per Dóminum nostrum Jesum Christum, Fílium tuum: Qui tecum vivit et regnat.

Postcommunio C

Deus, fidélium remunerátor animárum: præsta; ut beáti Hubéрти Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum Jesum Christum, Fílium tuum: Qui tecum vivit et regnat.

¶ Si hodie fuerit Feria II, Festum S. Huberti fit postridie, at Octava finietur die 10 hujus, ut alias, et, in Missis privatis tantum, fit Commemoratio S. Caroli Ep. et Conf. cum Oratione propria, ut in Missali 4 Novembris.

Die 6 Novembris

S. LEONARDI ABBATIS

Missa Os justi, de Communi Abbatum, ac dicitur Credo.

Die 7 Novembris

S. WILLIBRORDI EP. ET CONF.

Missa Státuit, de Communi Confessoris Pontíficis 1 loco, præter Orationes sequentes:

Oratio P

Deus, qui ad prædicándum géntibus glóriam tuam beátum Willibrórdum Confessórem tuum atque Pontíficem mittere dignátus es: da nobis ejus intercessióne; in ejúsdem glóriæ revelatióne gaudére lætántes. Per Dóminum nostrum.

Credo.

Secreta P

Réspice, Dómine, múnera pópuli tui, sancti præsulis Willibrórdi festivitáte votíva, et tuæ testificátió veritátis nobis proficiat ad salútem. Per Dóminum nostrum.

Postcommunio P

Vivíficent nos, Dómine, sacraménta, quæ sumpsimus: et, intercedénte beáto Willibróordo Confessóre tuo atque Pontífice, in tuæ proficiant caritátis augmentum. Per Dóminum nostrum.

Die 17 Novembris

S. FLORINI CONFESSORIS

Missa Os justi, de Communi Conf. non Pont. 1 loco, præter Orationes sequentes:

Oratio P

Sancti Floríni Confessóris tui, quæsumus, Dómine, supplicatióibus tríbue nos fovéri: ut, cujus festivitátem ánnuo recólimus offíció; ejus apud te méritis et intercessiúnibus adjuvémur. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus.

Et, in Missis privatis tantum, sit Com-
memoratio S. Gregorii Thaumaturgi:

Oratio

Da, quæsumus, omnipotens Deus: ut be-
âti Gregorii Confessoris tui atque Pon-
tificis veneranda sollemnitas, et devoti-
onem nobis augeat et salutem. Per Dô-
minum nostrum.

Credo.

Secreta

Súscipe, quæsumus, omnipotens Deus,
vota et mûnera, quæ offérimus: et,
pro cuius deferúntur honóre, ejus préci-
bus tibi grata fieri concéde. Per Dómi-
num nostrum Jesum Christum, Fílium
tuum: Qui tecum vivit et regnat in uni-
táte Spíritus Sancti Deus: per ómnia
sæcula sæculórum.

Pro S. Gregorio

Secreta

Sancti tui, quæsumus, Dómine, nos ubi-
que lætificent: ut, dum eórum mérita re-
cólimus, patrocínia sentiámus. Per Dñm.

Postcommunio

Majestáti tuæ, quæsumus, Dómine,
sancti Floríni Confessoris tui nos
pia júgiter comméndet orátio: ut, quem
pio venerámur officio, ipsíus suffrágio
liberémur optáto. Per Dóminum.

Pro S. Gregorio

Postcommunio

Præsta, quæsumus, omnipotens Deus:
ut, de percéptis munéribus grátias ex-
hibéntes, intercedénte beáto Gregório
Confessore tuo atque Pontífice, benefi-
cia potióra sumámus. Per Dóminum.